






Interrupt - Lied

Lehrerinformation



1/2

Arbeitsauftrag 	<p>Die SuS studieren durch gemeinsames Singen das Lied „Dynamit“ von Mani Matter ein.</p>
Ziel 	<p>Die SuS lernen das Lied „Dynamit“ von Mani Matter kennen.</p>
Material 	<p>Liedtext evt. Instrumente</p>
Sozialform 	<p>Plenum</p>
Zeit 	<p>15'</p>

Zusätzliche
Informationen:

- Weitere Lieder von Mani Matter finden Sie in den Büchern:
 - Mani Matter. „Us emene lääre Gygechaschte“. Ammann Verlag: Zürich, 2003.
 - Mani Matter. „Warum syt dir so truurig?“. Ammann Verlag: Zürich, 2003.



Interrupt - Lied

Liedblatt



2/2

Dynamit

Musik und Text von Mani Matter



einisch ir nacht won i spät no bi gloffe
d'bundesterasse z'düruf gäge hei
han i e bärtige kärli atrofte
und gseh grad dass dä sech dert, jemers nei
dass sech dä dert zu nachtschlafener zyt
am bundeshus z'schaffe macht mit dynamit

i bi erchlüpft und ha zuen ihm gseit: säget
exgüse, aber es gscht fasch so us
wi dass dir da jitze würklech erwäget
das grad id luft welle z'spränge das hus
ja, seit dä ma mir mit füür, es mues sy
furt mit däm ghütt, i bi für d'anarchie

was isch als bürger mir da übrigblybe
als ihm's probiere uszrede, i ha
ihm afa d'vorteile alli beschrybe
vo üsem staat eso guet dass i cha
ds rütli und d'freiheit und d'demokratie
han i beschworen är sölls doch la sy

d'angsch het mys rednertalänt la entfalte
chüel het dr wind um üs gwäit i dr nacht
während ig ihm en ouguschted ha ghalte
dass es es ross patriotisch hätt gmacht
zletscht hei dä ma mini wort so berückt
dass är e tränen im oug het verdrückt

so han i schliesslech dr staat chönne rette
är isch mit sym dynamit wider hei
und i ha mir a däm abe im bett en
orde zuegsproche für my ganz allei
glunge isch nume dass zmonderischt scho
über mi red mir du zwysel si cho

han ig ihm d'schwyz o mit rächt eso prise
fragen i mi no bis hütt hindedry
und no uf eis het dä ma mi higwise
louf i am bundeshus sider verby
mues i geng danke, s steit numen uf zyt
s länge fürs z'spränge paar seck dynamit